

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1706913316, 1706917740 որոշումներն անփոփոխ, իսկ վարչական բողոքն առանց բավարարման թողնելու մասին

<<19>> 10 2017թ. 17-4-11358-17/17-4-480

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ռուբիկ Կարապետյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Անդրանիկի փողոցի 29-րդ շենքի 34-րդ բնակարանի բնակիչ Ռուբիկ Կարապետյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1706913316, 1706917740 որոշումները՝ նշելով, որ տվյալ փողոցը նախկինում եղել է միակողմանի և ինքը տեղյակ չի եղել կատարված փոփոխությունների մասին:

Դիմումի քննարկման արդյունքում պարզվել է, որ դիմումատուի փաստարկը վարչական ակտը վերանայելու հիմք չի կարող հանդիսանալ՝ հետևյալ պատճառաբանությամբ.

Վարչական իրավախախտումների վերաբերյալ «Օրենսգրքի 124-րդ հոդվածի 18-րդ մասը պատասխանատվություն է սահմանում տրանսպորտային միջոցների վարորդների կողմից հանդիպակաց երթևեկության գոտի դուրս գալու համար, եթե դա կապված չէ վազանցը թույլատրված տեղերում վազանց կատարելու կամ կանգնած տրանսպորտային միջոցը կամ խոչընդոտը շրջանցելու հետ, և եթե առանց հանդիպակաց երթևեկության գոտի դուրս գալու անհնար է շրջանցել կանգնած տրանսպորտային միջոցը կամ խոչընդոտը:

«Կառավարության «Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին» թիվ 955-Ն որոշման 52-րդ կետի համաձայն, երկկողմ երթևեկությամբ ճանապարհներին գծանշման բացակայության դեպքում հանդիպակաց երթևեկության կողմ է համարվում երթևեկելի մասի լայնության ձախ կեսը՝ չհաշված երթևեկելի մասի լայնացումները (թափառքի եւ արգելակման գոտիներ, ընդհանուր օգտագործման տրանսպորտային միջոցների կանգառի համար լայնացված տեղեր եւ այլն):

- «Ոստիկանության ճանապարհային ոստիկանության ճանապարհային երթևեկության կազմակերպման հսկողության բաժնի կողմից 28.09.2017թ-ին տրված տեղեկանքի համաձայն՝ Երևան քաղաքի Ազատության - Նաիրի Զարյան - Ա.Տիգրանյան խաչմերուկի երթևեկության կազմակերպման ուսումնասիրության արդյունքում պարզվել է, որ 2017թ-ի սեպտեմբերի 26-ին, մասնավորապես Ն.Զարյան փողոցում տեղադրվել են 5.16, 3.1, 1.21, 2.4 և 4.1.2 ճանապարհային նշանները, ինչպես նաև գծանշվել է անվտանգության կղզյակ և կատարվել են համապատասխան գծանշումներ:

Ճանապարհային ոստիկանության թիվ 1706913316, 1706917740 որոշումների հիմքում դրված իրավախախտումներն ամրագրած տեսանյութերը հստակ փաստում են, որ դիմումատուն, դուրս է եկել հանդիպակաց երթևեկության գոտի, հետևաբար պետք է կրի դրա համար նախատեսված ոչ խարենպաստ հետևանքները:

Ելնելով վերոգրյալից և ղեկավարվելով Վարչական իրավախախտումների վերաբերյալ

Ո Ր Ո Շ Ե Ց Ի

- 1.Ճանապարհային ոստիկանության վարչական տույժ նշանակելու մասին թիվ 1706913316, 1706917740 որոշումները թողնել անփոփոխ, իսկ վարչական բողոքն առանց բավարարման:
- 2.Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
- 3.Սույն որոշման օրինակն ուղարկել Ռուբիկ Կարապետյանին և ՃՈ ՏՄՀԽԱ կենտրոն:



Ե.Կարապետյան